



Dimpho



Kgomotso Thosago



Mmanaga le Sello ba thabile kudu.

Ke letšatši la bona le bohlokwa.

Mma o tla ba tlela eng?





Mmago bona a fa mafahlana mapokisana.

Sello a bula lepokisana.

Aa! Ke seletšo sa mmino?

Sello ga a rate seletšo sa mmino.

Mmanaga a bula lepokisana a thaba.



Sello a lebelela Mmanaga ka makalo.

Bona! Mmanaga a mo laetša bolo.





Mmanaga a gana ka yona.

Mmanaga le yena o rata bolo.

O kgona go letša seletšo sa mmimo.

A bea bolo, a letša seletšo.

Sello a tšea bolo ka pejana.



Mmanaga a amoga Sello bolo.

Sello a mo amoga seletšo.

A budulela seletšo, ke moya fela!

Seletšo sa lla bošaedi.

Sello a se budulela gape le gape.

Seletšo sa mmino sa se lle.





E ka ba Seletšo se senyegile?

Sello a tlabega.

Mmanaga a budulela seletšo. Seletšo sa Ila.

Aowa! Ga se sa senyega.

Sello a thoma go rata seletšo.



Sello o rata go ithuta seletšo.

A lebelela Mmanaga ge a se letša.

Sello a ekiša Mmanaga.

Seletšo sa mmino sa mo palela.





Mmanaga a bogela Sello ge a ithuta.

Sello a se letša leboelela.

Mmalo! Go sa tšwa moya fela.

Mmanaga a mo laetša go se letša.

Jo nna! Sello ga a kgone.



Kgopolo ye botsana ya mo tlela.

Sello a adima Mmanaga seletšo.

A tsepelela Mmanaga ge a letša.

Mmanaga a letša seletšo ga botse.

Agaa! Sello o tla rutega.





Sello a ithuta go letša.

A se letša bošego le mosegare.

Sello wa batho! O tla kgona?



Seletšo sa mmino sa pala.

Sello a lla sello sa masetlapelo.

Mmanaga a mo homotša.

A fa Sello bolo.

Sello a e gana.





Sello o thomile go rata seletšo.

Sello a phegelela go ithuta seletšo.

A bula lepokisana la seletšo.

Sello a bona letlakala ka lepokisaneng.

Ke letlakala la eng le?

Ke letlakala la ditaelo tša go ithuta seletšo.



Sello a letša a lebeletše letlakala.

Seletšo sa mmino sa lla gabotse.

Mmanaga a bogela Sello ka makalo.

Seletšo sa Sello se lla gabotse.





Bonang! Sello o a kgona.

Mmanaga le Sello ba letša mmogo. Yo
mongwe le yo mongwe o letša sa gagwe

Ba letša mmino o mo bosana.

Sello o di kgona ka moka.

O kgona seletšo le bolo.



Mmanaga o thabetše Sello.
Bobedi ba kgona bolo le seletšo.
Sello le Mmanaga ba bina bina.
Ba bapala bolo ka lethabo.

